

中國方志叢書·華中地方·第九四號

據

清·張宗泰撰·民國·劉增齡增補  
清·嘉慶十七年修  
民國二十三年增補鉛印本

影印


安徽省

# 備修天長縣志

(一)

成文出版社有限公司印行

90/275  
528/06



中國方志叢書·華中地方·第九四號

據

清·張宗泰撰·民國·劉增齡增補  
清·嘉慶十七年修  
民國二十三年增補鉛印本

影印

安徽省

# 備修天長縣志

(二)

成文出版社有限公司印行



\*10094175\*

175

90/1875

R  
H  
1002

中華民國五十九年四月壹一版

備修天長縣志稿

全二冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號  
電話：三三〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

備脩天長縣

志藁十卷

嘉慶己卯冬開雕


拂雲書屋藏板

# 序


國史所以明歷代之興替家乘所以存世系之淵源邑志所以徵一邦之文獻炤示來茲其揆一也天長縣志散佚已久自愛新覺羅氏入關以迄鼎革幾三百年未加修輯惟清嘉慶時縣教諭張公宗泰慨舊志之殘缺懼文獻之無徵乃拾遺釐訂數歷暑寒惜未竣而改官他邑僅草成山川人物數篇以係私纂故名曰備稿內缺風俗食貨兩門雖云未臻完備而所以資後人者厥功亦有多焉自餘年來幾經燹劫其稿猶存竟爲目今本邑纂志之藍本主其事者爲邑明經劉君增齡劉係予同學品端學粹爲同輩敬居常以邑乘未修爲念以故任職以來廣徵博引就備稿缺者補之謬者正之其明年俊奉命移宰是邦欣逢纂事告竣將以付槧

徵序于予予曷敢以不文辭爲弁數言以誌樂觀厥成云

中華民國二十三年三月十六日天長縣縣長陶 俊謹序



張氏長備修志稿





接展手書知前穢已邀省察具荷藻詞志頌感媿交縈就審大兄  
元旋叶吉素履維宜爲慰承囑所更同官同鄉各結縣文到日當  
卽照轉業經發申矣再吾兄所撰天長縣志足爲是邦文獻之徵  
想已補輯完備乞將志稿寄交范大令另繕副本以便鐫刻亦吾  
兄之志也專此布復卽候綦履附完銜柬不一同學弟左輔頓首

This image shows a blank ledger page with 12 vertical columns. The columns are separated by thin vertical lines, and the entire page is enclosed in a thick black border. There are some small dark marks on the right edge, possibly from a scanner or punch holes.

--	--	--	--	--	--	--	--	--	--	--	--

天長志稿創於嘉慶丙寅冬十月迄辛未秋七月惟食貨風俗二卷未成而宗泰以聞先子訃去官先是丙寅春

兩江制憲鐵樑庵夫子符下各縣徵新舊志以備修輯省志採擇維時今天長者爲盧湘艇同年偕取縣之舊志繙閱慨其歷兩甲子未修事固多闕而譌誤更不可枚舉倘不及時更正補拾後人將謂官斯土者何爰於是冬先成沿革表一卷次成舊志辨誤一卷而學校一卷以職守所在因亦先之其餘或仍舊志增損或取莅任後聞見所及補錄至節孝則專資採訪然亦必取輿論僉同者大率分十五類總卷十析之爲二十四卷義詳凡例中食貨一門以田賦戶口支解鹽法事隸有司未經開局無從纂續又舊志風俗所引乃江淮公共惟田志有關本邑數言而後之修者刪之

蓋以欣際

國朝休養漸仁摩義與數百年前不同不知民俗之盛衰迭爲起伏如忠質文之遞嬗然觀前此之所由轉卽以知後之有必變不若存之以爲省勵至於運之所趨必有持其中者方能久而不敝卽今日之盛而洞微識遠可以豫儲補苴未必非世道人心之益而非大手筆莫之勝是以亦從闕如未幾湘漕以待養歸天長又連值水旱剗剗無資愈置此二卷爲緩圖逮前年庚午冬

州牧左杏莊先生以勘災來縣荷承詢及因以未全之稿就正蒙諭宜以一手續成緣自冬及春仍以查驗饑口奔走茅檐葑屋無晷刻甯逾夏而宗泰遂奉諱歸里此稿亦長爲未竟之業矣今年

春

杏莊先生郵書來云云宗泰又于役新安爰以凡例目錄先寄范明府囑其將需縣卷門類彙爲一編未幾范明府旋以事去此志之修未知何時而未嘗不可爲將來珥筆者之芻蕘也因名之備修天長縣志稿錄

杏莊先生書冠於首以代弁言而次其凡例目錄於後

嘉慶十七年壬申秋八月張宗泰識



備修天長縣志稿

凡例

一四部之目以地理列入史部是府州縣志與史一體也今所修雖未能悉以史爲法而近今之失則不敢仍

一舊志初始於明景泰朝逮我

朝康熙九年凡五修王兩山謂吳志草畧吾志疏濶邵志王之所修也據序分輿地人事爲兩大綱規模頗整而其書今不可見田序謂縣舊有志前之人去其籍當爲實錄田志則分六款其別類六十江志又依中州例爲三十則約凡經一修必更其舊然要期於當簡固不定增繁亦不定減也而亦有之如星野一門凡志必首列然在地自南而北二百五十里則北極高一度

東西緯度相去亦然縣之大者以百里爲率在天不及度四分之一區區天長象乎天者幾何而必備引天文志天官書要是吳越所同不亦贅乎又如廣陵前爲江都易王後爲廣陵厲王所都爲揚州志者列入封建可也舊志乃以陳嬰封棠邑侯陳矯父子東鄉侯高平郡公特立封建一門殊爲誤會史例況皆

東陽人

天長非東陽辨見卷十

其帝王門載皇后一條亦然惟南齊書有宋

順帝昇明三年詔進齊公爲王封十郡內有南沛舊志却未載然此第爲加九錫之漸且齊之屬郡非曾在曲阜齊在臨淄衛在妹邦可比至帝王一門緣明太祖有幸冶山一事然世已有悉其誣者故六合等志俱作九十九峯無百峯事也且以帝王列入邑志亦非體例故酌刪此三門又附山川橋梁等入疆域



列女入人物以省繁冗而別增兵交一門共凡十卷其有非一卷所能罄者則析卷爲上下或上中下而三

一表爲史之一體蓋敘次自有篇法而事之前後驅駕中不無豫書補書閱者頗易瞽亂彙以表則原委井然自太史公勅之唐宋諸史因之近來解經家兼采其法例至善也今於沿革職官選舉全譜爲表而學校亦譜建修爲表附卷五上似較簡明節孝一門以有事當序述在闡幽之列未便簡易似詳畧之中有輕重焉

一凡志于各門多以四言韻語爲引殆仿於史漢然彼是總爲一篇敘所以作之意編於末卷志則冠各卷之首未知所從始今於各門既有增刪其門存者篇首韻語固可留之但所增之門